

maß nicht gewest were adder noch zeukunftig syn mochte ane irkentenisse des raths vngeferlich.

Nach dem Rathsbuch fol. 16 im Archiv des K. Bezirksgerichts zu Leipzig.

No. 411. 1467. 26. Febr.

Vereinigung der Innungen der Gürtler und Nadler.

Es sint ouch anno die quibus supra die zewey hantwegk nemlich gortiler vnd naldener, die denne iczlichs yn sunderheit vnßern gnedigin hern von Sachßin vnde der statt ꝛ. nachreyßen vaste zcuswach waren vßzurichten vnde andire dinste mehri zcu thune, zcusampne yn eyne ynnunge gesatzet, vff das sie ire dinste vnßern hern vnd ouch der statt dester baß vßrichten vnde beiderseit deste lichter getragen mogin. Vnde das ist ouch gescheen mit willen des raths vnde der eldisten vnde ouch der gnanten hantwerge beider ꝛ.

Nach dem Rathsbuch fol. 16 im Archiv des K. Bezirksgerichts zu Leipzig.

No. 412. 1467. 20. Juni.

Sabbato post Viti — hat der rath irloubet Matthes Korßener in der Petirstraße vnde vorgunst, daß er syn huß in synem hofe mit schindeln addir brethen decken mag, vff daß ym an synem gebude vnde kellern nicht schaden bringe, aber yn iare vnde tage sall er eß mit czigeln decken, daß hat er dem rathe gereth vnde gelobit.

Nach dem Rathsbuch fol. 18^b im Archiv des K. Bezirksgerichts zu Leipzig.

No. 413. 1467. 27. Juni.

Verpflichtung der Bewohner von Mockau und anderer Dörfer, von einem in der Stadt gehaltenen neuen Rade an den Thoren eine Abgabe zu entrichten.

Item sabato post Johannis baptistae LXVII^o sint drie rethe beienander gewest vnd haben do beslosßin, das nu hyn forder die von Mockaw^{a)} vnd ander dorffer mehri ye von eynen nuwen rade, so sie daß yn der statt holen werden, eß sei angestossen addir nicht, so sollin die gebuwere do von gebin cyn nuwen pfennig an den thorn, also denn daß vor iarn ouch gewonheit gewest ist, also die eldesten alliß wissenlich ist vnde von sich gesaget habin.

Nach dem Stadtbuch fol. 54 im Besitz der deutschen Gesellschaft zu Leipzig.
Mittheill. d. deutsch. Gesellsch. I. S. 124.

a) Mockau, Par. Cleuden.